

程



新安文獻志卷五十三

律詩五言

題壁

甲集

隱居三十載築室南山巔靜夜翫明月閒朝飲碧泉樵人歌壟上谷鳥

戲巖前樂矣不知老都忘甲子年山志云宣平歙人景雲中隱於城陽  
杖醉歸獨吟訪之多不見惟壁有詩云云好新入城擔上桂花飄及曲竹  
舍問李白見之曰此仙人詩也乃宣州遊新安者題之於洛陽同華傳  
我吟傳舍詩來訪真人居煙嶺迷高跡雲林隔太白窺庭但蕭索倚杖  
空躊躇應化遼天鶴歸當千載餘然此作不見太龍窺山中始逸詩邪  
相傳鄂州白州南數里有岸特高號浣沙阜隔溪對龍井山望城陽不遠  
之勝而思為新安之游又肯自河溪十六渡至黃山湯池下則吾土山  
川勝槩願已寄於逸想其贈許宣平之詩沈沈述以為傳當不虛也

白雲溪

吳中舍

山徑入脩篁深林蔽日光夏雲生嶂遠瀑水引溪長秀跡逢皆勝清芬  
坐轉涼遙看玉尊夕歸路賞前忘

晚眺

汪石曹



杖策倚柴門，泉聲隔岸聞。夕陽諸嶺出，晴雪萬山分。靜對豺狼窟，幽觀鹿豕羣。今宵寒月近，東北掃浮雲。

新秋獨夜寄戴叔倫

方玄英

遙夜獨不臥，寂寥庭戶中。河明五陵上，月滿九門東。萬里親朋散，故園滄海空。歸懷正南望，此夕起秋風。

送沛縣司馬丞

方玄英

舉酒一相觀，逢春聊盡歡。羈遊故交少，遠別後期難。路上野花發，雨中青草寒。悠悠兩鄉夢，小沛與長安。

早發洞庭

方玄英

長天接廣澤，二氣共含秋。舉目無平地，何心戀直鉤。孤鍾鳴大岸，片月落中流。却憶鴟夷子，當時此泛舟。

送姚合員外赴金州

方玄英

受詔從華省，開旗發帝州。野煙新驛曙，殘照古山秋。樹勢連巴沒，江聲

入楚流。惟應行化後，吟句上雲樓。

旅次錢唐

方玄英

此處似鄉國，堪為朝夕吟。雲藏吳相廟，樹引越山禽。潮落海人散，鍾遲秋寺深。我來無舊識，誰見寂寥心。方虛谷曰：此詩中四句不書題目，一吟即知其為錢唐也。

省試麥壘多秀色詩

汪極甫

南陌生岐穗，農家樂事多。蒹畦交茂綠，苜蓿際清和。日布玲瓏影，風翻浩蕩波。來牟知帝力，含哺有衢歌。

寄披雲峯上人

曹山人

院高窮木盛，野極靜無言。險路通巖頂，香泉出石根。微風飄磬韻，幽鳥啄苔痕。常記相留夜，秋堂共聽猿。舒公雄曰：汝弼詩體致高，遠有王右丞孟處士之風。

贈披雲峯岳長老

曹山人

禪外掩松林，閒眠度歲陰。雨侵香篆澁，苔長履痕深。水在銅瓶冷，雲歸玉磬沉。前山有靈藥，時策杖藜尋。訪幽而有味。



黃山湯泉

凌待制

道出遙岑潺湲古到今雪天聲瀉玉月夜影搖金歲早施功大民痾  
被澤深浮容與軒帝仙跡可追尋

已酉亂後寄常州使君姪

汪龍溪

汾水游仍遠瑤池宴未歸航遷新廟主矢及近臣衣胡馬窺天塹邊烽  
斷日畿百年淮海地回首復成非

春到花仍笑時危特自哀平城隆準去瓜步佛狸來地下皆克肉人間  
半劫灰只今衰淚眼那得向君開方虛谷曰此詩本老杜亦惟老杜多  
有此等語度信賦哀江南皆知此意

過臨平二首

汪龍溪

一別九霄路風煙長滿衣已成身老大無復世輕肥天闊鳥雙下山寒  
人獨歸曉來何似雨春水半巖扉

睡起涼生岸鈎簾坐小窗麥風能起柁梅雨不鳴江往事心長折歸途  
影自雙依然蒲柳地人老故先降

客囊

朱奉使

兵氣常時見客懷何日開形骸病自瘦鬢髮老相催已負秦庭哭終期  
漢節回風雷識我意一雨洗氛埃

戰伐

朱奉使

戰伐何年定悲愁是處同黃雲繁晚塞白露下秋空魚躍深波月鳥啼  
落葉風誰知渡江夢一夜繞行宮

十七夜對月

朱奉使

病骨怯風露愁懷厭甲兵人居絕域夕月向此宵明輪及初經漢光分  
半隱城渾渾不肯下應識異鄉情元遺山曰人謂少章此詩似微升古  
塞外而未章尤為稟絕必有能辨者

春晚五言寄夢得

朱獻靖公

美景足可惜殘春尤不堪晚英餘燕蹴執穎墜鶯含歲月逢雙鬢生涯  
粟一甌惟思對公瑾把酒話江南

夏夜極涼

朱逢年



素簡久辭夜清風先戒秋稻深羣蛤吠草暗一螢流舌在殊無計心空  
尚有求按圖尋分野楚尾見吾州

尤溪縣

朱逢年

橋外茅茨好相過問酒錢李花今若此白髮自茫然落日雲千步春風  
雪一川明朝記來處石澗響

送祝澤之表兄還鄉

朱文公

首夏何來此清秋却復歸應緣心未快豈是世相違落日空書館涼風  
淨客衣功名須努力別淚莫頻揮

對月思故山夜景

朱文公

沉沉新秋夜涼月滿荆扉露泫凝餘彩川明澄素暉中林竹樹映疎星  
河漢稀此夕情無限故園何日歸

晚步

吳文肅公

水靜偏明眼山高不受塵晴沙棲白鳥野渡集歸人問字誰持酒行歌

有負薪始娟孤月影獨覺向人新

弋陽道中

吳文肅公

積雨今朝霽東臯晚日紅人家深蔽樹野水闊浮空又客仍行役青春  
已過中嶺頭凝望處腸斷白雲東詔左史每讀此詩

題大安壁

朱工侍

萬里同為客秋悲未易禁萍蓬鄉國夢松竹歲寒心霜葉青紅亂雲山  
紫翠深何時錦屏下樽酒話塵襟

煙波閣

朱工侍

小立煙波上江湖興未忘敗梧風舞葉寒菊露滋香目逐去雲斷愁隨  
流水長葦蘆秋正好飛棹訪滄浪

次韻劉通判岳陽樓見懷

羅鄂州

魚龍掀舞後渺莽記空庭地帶三苗闢山傳二女靈客懷光水月詩筆  
妙丹青少作揚雄悔惟思草一經



東山小隱自况

程傳之

小隱東山下脩然遠市廛聽泉驚水簞掃徑惜苔錢病骨知將雨憂懷  
願有年丘園貫衰老束帛幾幾戈

通山縣寄朱元晦

汪監丞

碧澗環山麓高低滿百家途窮踈騎氣縣古聽蜂衙書倩雲中鴈歌煩  
水底蛙陽和不擇地隨分得春花

聞考亭先師之計時黨禁方嚴

程次卿

忽聞摧岱岳吾黨更何依斂枕看炊黍登樓送落暉祥麟傷史筆山鳥  
怪儒衣此道終難絕他年有是非

屯溪訪故人

程次卿

主人溪上宅烏几屢曾憑山直西南向田分上下層池鮮烹錦鯉塘果  
致青菱此去重陽近遙岑共一登

清化寓居

王雙溪

委巷何深僻僑居大寂寥古墻行絡石喬木上凌霄賦就貧難逐詩成  
隱莫招固窮吾輩事心地且消搖

方壺別墅

汪太初

面面軒窗好溪山不待招清風脩竹徑細雨綠荷橋地僻人煙少天恢  
景象饒襟懷無一事終老樂簞瓢

次韻晚春夾溪閒行

汪康範

出郭知春晚陰陰綠浦川小橋橫桺杪斜柳拂淪連風急低雙燕林幽  
噪一鷓餘醪破香菜孤絕殿羣妍

重陽

方秋崖

古岸維舟夜蕭蕭秋葉丹野煙連竹暗江雨灑燈寒亦喜重陽健誰知  
行路難吾親應念我更把菊花看

道中連雨

方秋崖

老屋村春急歸鷓半暝煙斷崖留宿雨野水沒春田昨夢山須記幽情



鳥不傳也知晴更好草木已爭妍  
塵蝕貂裘敝吾生奈爾何雷聲春蟄怒山意暮寒多窮不彈長鈇歸應  
負短策自知機事淺或可共鷗波

寄魯山兄

方秋崖

搖落山城暮行行返照邊亂蟬鳴古柳獨鶴下遙川秋事無多日寒花  
又一年故應深夜雨重憶對牀眠方虛谷曰秋崖不江不

雨中見花

趙吟嘯

細雨斂輕塵枝間態度新春疑夫雨實寒怯地鋪桐葉底含羞女闌邊  
倚醉人休將脂粉澆一一是天眞

悼鶴

趙吟嘯

乘化歸遼海雙籠一不開墜翎留片雪遺跡印荒蒼月朗憐孤唳琴閒  
憶共來瘞銘為琢石雞鷲不須猜

藍溪道中

趙吟嘯

綠筠雨初歇清和日正長乳禽穿薄霧弱蔓上頽墻村市荀厨美田家  
麩餅香老翁扶杖出小立看移秧劉后村云趙君詩五七言亦宗

晚霽

錢融堂

斑駁天穿漏驚奔浪疊空山留宿雨碧雲受夕陽紅蠶麥關時務營花  
怯老翁乾坤方寸地今古一絲風

白際嶺下即目

汪秀山

白際摩天秀秋光滿寥汀山呈金字面田畫井文形夜出螢相照更闌  
雞可聽杉松柯不改點染四時青

秋晚懷友

程南窻

長亭一尊酒猶記別時斟碧草思前夢黃花見此心關河秋北望天地  
日西沉遙想山中桂何人月下吟

雨晴

程南窻

溪雨生流水山晴出白雲花來風逐逐泥遺燕紛紛客路猶千里春光



已一分歸從都下者相遇說新聞

春望

吳蘭皋

春事今如此憑高興未闌半簾疎雨過一院落花閒草色迷幽徑禽聲出晚山東風能育物不改鬢毛斑詔許被銜靴

讀史

汪竹牖

南北幾離合江山一古今秋風駝臥棘春雨燕巢林家國興亡夢英雄勝敗心九疑呼不起愁絕暮雲深後村云感時足悲慨

吳越歸秋晚

吳古梅

湖海歸來晚園荒菊幾叢秋山吟骨瘦霜葉醉顏紅弔影寒溪上懷人落月中青燈滋味未不用哭途窮程文清公曰武賢詩句老意新如此非尚作

山家

吳友梅

誅茅傍翠微生理儘豐肥剡竹引泉入開池疊石圍春常生酒甕塵不

上菴衣了自無榮辱從何較是非

金陵鳳凰臺

汪紫巖

龍虎勢稱雄鳳凰臺望濃潮翻江漢轉地扼楚淮衝平野頻烽火孤城半陸種丹楹傍蕭寺塵埃識高宗

稼穡

汪紫巖

稼穡病多雨燕菁種待晴壘空驚燕去池淨襯鷗明野碓鳴秋杵風簷響夜箏山中涼意早蚊蚋已無聲

行都餞歲

孫良山

挿架餘殘曆挑燈憶故鄉羊光蛇赴壑驕騎鴈隨陽禁闕迎讎鼓隣街祭竈香英雄須自力容易鬢毛蒼

臨安錢武肅廟

孫良山

吳越歸旗燼風雲初鼓鼙錦蒙山樹遍弩射海潮低龍鳳城葱鬱牛羊墓慘悽古祠存故里秋草廡東西



倦客

倦客江湖返書生賦思古來惟卽墨世上幾仇池八表煙霾隔三春  
草木衰交游消息斷存沒杳難知

孫良山

和元京兄賦蘋花

一春觀物眼紅紫厭厭繽紛此水浮明玉何人剪白雲惠風遊漢女吉日  
禮湘君地僻應無是留花混藻芹

孫爽山

兵後績溪道中

古道緣流水寒郊帶斷煙稀踈鷓鴣種麥羞澀女耕田人事休兵後秋懷  
落木前小蘇遺翰墨今古一山川虛谷云休兵落木之句非近人晚進所能到

孫爽山

陳監丞用韻見贈亦和以謝

肅肅東方老依人可計年名言傾蓋後古意結繩前君戶仍多轍子琴  
故一絃不應昌歎味置在衆者先

孫爽山

九日呈戴兄

孫爽山

一別三十載而今近講堂華開條同甲子強健又重陽更菊數盃酒煙雲  
千仞罔偶然爲此夢寧復次公狂虛谷云類陳后山

秋懷

汪古逸

劇暑逢添閏微涼忽值秋年爭飛鳥疾雲共此生浮多難仍懷古他鄉  
獨倚樓可能天下慮政有一身憂

香巖院

汪古逸

犖确疲幽徑扶持仗瘦筇斷崖何處路細雨隔山鐘猿竊垂簾果僧樵  
臥澗松人言深僻處別更有靈蹤

溪村

滕星崖

獨步溪村午時時一一家綠波浮錦鴨翠草點黃花釣石臨溪古連山  
繞徑斜幽人吟未極西日散平沙

陸君實哀輓

方虛谷

亘古無斯事于今有若人龍綃同把手鮫室共沉身蹈海言能踐憂天



志不伸曾微一杯土魚腹瘞君臣

晚望許墅

方虛谷

太湖晚山雨白鳥去冥冥古塚多無後荒祠或有靈異峯攬石骨遠樹  
聳人形兵革已甦息廢田蒲稗青

初夏二首

方虛谷

近午初微暑侵晨尚薄寒暗窻蠶績響危棟燕泥乾問價織絺貴尋盟  
舊扇完野人言麥熟出郭好同看

茂密踰千樹深幽僅一家新蟬初脫殼稚菊始分桎潤氣青陰石晴光  
白濕沙晚涼督園叟添竹引籬瓜

江漲

方虛谷

著雪西南下愁霖日夜傾高城人避水古廟吏祈晴沙鳥依庭宿漁船  
入市行老夫隱几意可但憫吾生

答陳壽翁

曹弘齋

共此松蘿陰寒予萍梗身幾年傳妙句今日見斯人拔俗典刑老藏山  
文字新定交如擇主貞子倘周臣

伍子胥廟

鮑子壽

百世子胥廟猶存寂寞中鞭屍生快怨扶眼死遺忠故國古今夢怒濤  
朝夕風登臨一長笑斜日海門紅

送程君雋學正歸潯陽

程文憲公

五老催歸客天寒道路長殘冬涉易水幾日到潯陽學見吾宗盛身隨  
聖道昌未應嗟晚達松菊近柴桑道園虞氏曰雪樓譚中淡悠遠

鳳凰臺

趙可齋

祗有高臺在鳳兮何所之瑞存吳國志妙是李侯詩江勢連天闊雲陰  
過檻遲徘徊空睇竚安得見來儀

秋行

葉梅嶠

秋晚天風勁寒雲着翠微松鬚霜後老菜甲雨中肥雙鷺忽飛下一僧



何處歸野翁無世慮對境更忘機虛谷批此詩云絕妙

憩昭孝菴

朱松所

結得精廬小中涵不盡清竹穿墻罅出草蒲瓦溝生聞鵲有佳意對蟬無殺聲只來閒半日多少道人情

茗溪晚泊

程斗山

一笑茗溪上微茫駐日曛鷺沙行个字魚水呷圓紋晚色三家市秋容幾樹雲行藏知有分莫誦北山文

登曬菴臺

程斗山

曬菴臺上載酒共躋攀竟日何妨醉看雲終是閒千絲岸柳一髮別州山頗亦關鄉念春深未得還方虛谷曰斗山筆力勁健無近人綺靡風

九日攜長兒登譙樓

唐筠軒

火後青山近風前烏帽斜清溪迴晚棹古木認吾家斷飲更空紫禁寒菊未花憑虛雲滿袖一一數歸鷗

前令欺人老親朋烏散餘獨攜靈壽杖誤讀褚公書木落秋容出沙寒風影初扶持有兒子白髮喜相如

次韻程以文黃山星橋末章屬仲安

唐筠軒

今日題橋者燕山耐朔風寄書逢驛使詢路介樵翁村酒添泉白林曛曬屋紅浮丘不可見笙鶴度崆峒

悠悠俯雲影浩浩吹天風解珮此溪女負苓何處翁焙出茶芽紫莖來魚眼紅山家慣延客何必羨崆峒

蒼頭初得小犬

唐筠軒

稚犬從何得蒼頭買近隣畏寒初離母學吠稍驚人豈言盜期猶遠分餐喚易頻因知推良象併感諫熒臣

舟中即事

胡存菴

江白元無月山涼總是秋何人許分席中夜尚行舟沙鳥鳴煙際天河下水頭平生得奇觀大半在滄洲



雷塘

雷塘千載恨弔古重悽然歌舞神州破巡遊霸業偏愁雲迷古墓寒月照荒田楊柳隋堤綠年年繫客船

汪稱隱

思歸

記得秋吟下披蓑坐釣磯竹風敲石磴梅月印柴扉回首雲千疊歸心電一飛郊墟秋色老江上憶魚肥

汪石田

題汪古逸詩集後

飲有清吟士篇題古逸民雲沙方自貴珠玉不啻貧種樹歌招隱桃源亂避秦山川以形勝名姓豈沉淪

汪文節公

西湖春晚

四載西湖別三春南浦邊鷺歸林色破鳧沒水痕圓坐潤雲生席迴遲風逆船同遊又同約隔日卜晴天

汪尚志

齊雲巖

汪尚志

度迥復登危依山一徑微洞寒龍正警崖暝鷓初歸採水雲生履捫蘿露濕木層巖去天近織女夜鳴機

次韻方叔高

程黶南

玉堂今夜雪偏照小窻明夢繞三江水愁連百雉城寄書防未達投筆自憐生分作升堂拜無違同舍盟

回溪道中

程黶南

客路三尺雪如行瓊田中煙火闕墟落乾坤見清空晃朗川上日飄蕭林際風南山有猛虎思欲控琯弓

鮑仲安南軒

此詩載鮑南集中近世誤傳為倪尚德之作

程黶南

遠客冬歸日南軒晚眺時山依黃帝井地接紫陽祠古剎留唐畫遺阡失晉碑桑籃與金釧先澤少人知本注云二物鮑氏先世所藏

山家引泉

呂安貞

空巖架脩竹高下勢相連懶汲門前水遙通屋後泉鮮痕流石髓山翠



入厨煙飲我塵中客心清若露蟬

紫極宮用劉曉窗韻

蔣雲巖

塵外逢仙客丹房笑語新藥靈砂戀母松老茂成人孤鶴籠飛羽雙龍  
巨怒鱗老君元不老亦有鬢如銀

晚立

蔣雲巖

白鷺飛來急人家水蒲塘客懷多潦草春事到農桑風雨連今夕山川  
非故鄉牧童吹籜葉音韻亦悠揚

和羅松岡山居韻

蔣雲巖

我愛山居好楓林紅似花鶴能陪坐客犬不離貧家吟借敲冰紙閑分  
煮雪茶村深民俗古同爨及總麻

次蘭坡弟見寄韻

蔣雲巖

不是無兄弟君能同急難性無其釜迫夢入草池寬漸老猶攜硯相思  
怕倚闌寄來書一紙反復幾回看

觀潮

汪以質

胥菟鞭海蜃怒氣捲風埃浪滾晴天雪聲轟午夜雷吳兒爭岸捷商舶  
駕空來江靜三山暝憑高首屢回

經故郊臺

汪以質

厭煩尋路僻偶尔入荒村古禮存遺跡圓丘儼至尊松風悲闕寂江月  
照黃昏餘恨無今古行人欲斷魂

次韻李毓之憲郎

程正齋

佳遊白石巖飲馬百花潭道路經蒼莽衣裾濕翠藍雨餘春水活煙暝  
暮林慚獨有弦歌化時聞奏雅南

曉渡柏溪策應海東之萬戶

吳克敏

睡起東窓白蕭蕭戰馬鳴旌旗開宿霧鼓角送殘更是處煙塵暗何時  
宇宙清此行須努力奏凱入山城

泊舟黃鶴樓下與伯京先生別

吳克敏



登高賦鸚鵡不放酒盃停城入漢江黑樓吞荆樹青乾坤事爭戰南北  
感漂零去路萬餘里明朝過洞庭

忠勤樓諸老夜直予時守省作詩二章寄之 汪朝宗

西掖延秋爽高樓倚太清玉繩當座轉銀漢近人明上相思經濟諸公  
任老成不知前席夜會語及蒼生

耿耿衆星白漫漫長夜寒萬方猶事武一榻豈容安零露沾琴席高梧  
下井闌永懷何以託詩罷動倚蘭

送院判俞子茂進兵番易 汪朝宗

江東風日晴把酒送君行好慰三千士將收七十城煙花催疊鼓雲騎  
擁連營山越人爭喜殊方自此清

送黎蘭谷遊永州 詹承旨

舟子開帆日天風吹雪時關河歲將晏荆楚客何之水接三苗國雲迷  
二女祠經過逢北鴈應有寄來詩

寄方壺道人

詹承旨

海上神仙館天邊處士星臥雲歌酒德對雨注茶經石洞龍嘘氣松巢  
鶴墜翎都將金玉句一一寫空青

觀輿圖有感五首

趙東山

朝雨茅茨濕披圖嘆禹功山河一掌上宇宙九疇中水性惟趨下民生  
本易窮胼胝豈無事大智與天通

四履應難辨三河尚可尋功推城濮雋澤想召陵深問鼎猶懷惡投龜  
肯易心向無微管嘆孰憶到于今

轍已還諸夏居猶憶九夷難求伐木處尚想饋豚時夾谷真成謗中牟  
不易知惟存刪述事赫赫起周衰

皓首陳王道時君孰可當艱難思稷契容易託齊梁越豈資冠冕秦方  
用虎狼空聞歸大老不復見鷹揚

維邑空南渡東都亦北轅已符前五閭空憶後三元分合巧相似短長



難等倫女真如拓跋一統世中原世謂漢唐宋為後三代

和唐宰山行

汪環谷

山縣千峯疊閭閻雜嶮夷雨香魚撥刺風軟燕差池郭外耕夫耦桑中稚子嬉絃歌聲教遠民俗變澆漓

寄仲觀弟

汪容峯

雨作晚天黑衡茅獨坐時雷車隨電發螢火上窓遲虛室寂無我至言當告誰恒陽寒氣早那得不相思

過湏陽峽

鄭樗菴

清絕湏陽峽秋過客思驚風篁疑列戟煙樹似屯營水毒人多瘴山輝石有英峒徭何日息猶自滯官兵

連江舟行

鄭樗菴

蓬窻觀物化幽興亦無涯翠篠抽黃籜青林蔓白花蝸涎光暗石虫蛻聚浮槎小憩斟崖瀑清風試茗茶程熙南日彥昭詩蓋暇暇格高律熟而入於精者

雪夜讀杜詩

朱子範

十年鄉國亂幾卷杜陵詩閉戶挑燈夜深山積雪時紫陽誇入蜀雙井喜居夔岐路終何適吾將有所思張外史伯雨云朱子範詩有虞揭遺響

宿羊舌城

朱子範

舒蓼皆侯國春秋用甲兵晚炊投野店日落弔荒城古渡漁燈滅陰房鬼火明愁來不成寐欹枕對鷄鳴

過太湖

唐白雲

向晚推蓬望羣山隱約青篙工排蟻勢野飯雜魚腥水闊疑無地天低剩見星吳音相爾女聊復慰飄零

送楊曾之浙東

唐白雲

佳麗金陵地蕭然爾獨居門無私客謁座有諫官書清切答臺文光華入幙初浙東勞遠役民瘼問何如

題景德鎮東山寺

程德堅



招提在何許緩步更高登行盡石頭路適逢林下僧巖泉飛瀑布寶刹  
聳觚稜掃壁題詩處重遊記昔曾

懷趙四知己

任本立

又客滯南閩招尋賴故人孤琴清水月一劍舊風塵樹色愁看暮鶯聲  
醉度春清音亭下路看竹莫辭貧

虹

舒道原

蟬竦東方見光分五彩殊彎弓射地軸懸玦示寰區變見陰陽理昭回  
山水鴨環天萬丈勢收斂在須臾

秋日

吳石溪

覽物悲搖落傷時厭亂離一毛潘岳賦三峽杜陵詩壁潤蝸行字寫晴  
蟾吐絲物情還自適人事苦難期

夜坐

吳石溪

歲月來無限詩書妙不傳徒勞充棟宇已是曠蹄筌歷歷千年上悠悠

百聖前青燈最知我相對兩悠然

晚步

程明遠

晚來絃誦輟楮杖步村墟川水從橫出人家高下居草生侵徑狹葉發  
補林疎不覺歸途暝行天月一梳

春園

程明遠

鶯聲如喚客散策步林隈感物知春意題詩試老才土崩鞭筍出石觸  
樹根回籍地坐來久襟裳濕翠苔

鰲陽書院

梅州同知績溪程燧所立燧台州  
錄判相之子宋丞相元鳳從曾孫

余舜欽

猶憶升平日頻來錄判村竹林連古巷文字見諸孫壯觀三槐業清幽  
獨樂園悽然遭喪亂相對兩忘言

次韻方希直教授二首

鄭居貞

闕下知名久相逢值暮春才華會動主論議每過人漢水元通蜀台山  
亦近閩何時江海上尊酒話西秦



爲問天台客何時別草堂千巖空劍氣萬卷有虹光爲政慚吾拙搗辭屬三良方思歌伐木深負詠甘棠

秋日書懷

胡翠屏

江海投荒久山林引興長題詩楓葉下把酒菊花香嵐翠山沾雨林紅葉受霜塵纓須一濯無處覓滄浪

晚步

唐伯和

晚步東郊外平林日已收豆苗和草綠羊葉壅泥稠牧子爭歸踞田翁不裹頭但言天事急邊報幾時休

魯港

唐梧桐

魯港停舟處相逢故老談河魚時潑刺江燕又呢喃帶雨張帆腹臨風拂劍鐔百年董狐筆憤死木綿菴

送祭酒李先生致仕歸安成二首

楊刑書

白髮老司成精忠當代名一朝謝官去六館清風生諸士懷宿德斯文

仰者英東門不得送悵望有餘情

祭酒辭榮祿諸生爲乞恩人心古難結師道今逾尊德愛不可泯文

名寧獨存清風高萬古能使薄夫敦

酬蘇景元

汪思敬

遠市幽棲處高閑寄野情雨苔粘屐齒風竹亂書聲鳥逐雲歸樹花迎日上楹知君愛靜逸心已薄浮名

江樓晚眺懷姑蘇朱孝常

蘇景元

殊鄉嘆行役登覽亦淒其落日家千里故人天一涯渚煙漁父艇江樹水神祠遠道交游少憑誰寄所思

春日富春山中

蘇景元

鳥啼煙樹春風暖墮遊塵割蜜蜂隨窺移花蝶趁人閑邀隣叟話坐愛野苔新山巖鮮堪煮吟餘自拾新

嚴州晚泊

汪希茂



東館維舟日微風浪乍生渚雲低斷岸煙柳暗孤城僮僕沽村酒舟人  
話水程故鄉飛鳥外翹首不勝情

題吳思顯靜齋

孫士輝

世路多喧雜書齋靜處安半窗松影淨一徑菊花寒把筆聞啼鳥看山  
獨倚闌寸心無外慕何處恐驚湍

新安文獻志卷五十三

甲集

新安文獻志卷五十四

甲集

律詩七言

題睦州郡中千峯榭

方玄英

豈知平地似天台朱戶深沉別徑開曳響靈蟬穿樹去斜行沙鳥向池來  
窻中早月當琴榻牆上秋山入酒盃何事此中如世外應緣羊祜是仙才

贈錢塘湖上唐處士

方玄英

我愛君家似洞庭衝灣潑岸夜濤聲蟾蜍影裏清吟苦舫艦舟中白髮生  
常共酒盃爲伴侶復聞紗帽見公卿莫言舉世無知己自有孤雲識此情

楊子言事

方玄英

重疊山前對酒樽騰騰兀兀度朝昏平明踈砧白雲寺遙夜孤砧紅葉村  
去鳥豈知煙樹遠驚魚應覺露荷翻旅人寄食逢黃菊每見北辰思故園

環溪亭爲睦州守呂郎中賦

方玄英



為是仙才登望處風光便似武陵春閒花半落猶迷蝶白鳥雙飛不避人  
樹影與餘侵枕簟荷香坐久着衣巾暫來此地非多日明主那容借寇恂

答楊劉二內翰見寄之作

舒館直

清貴無過近侍臣多情猶憶舊交親金蓮燭下裁詩句麟角峯前寄隱淪  
和氣忽飄燕谷暖好風隨起謝庭春緘藏便是山家寶留與兒孫世不貧

揚大年詩云綠髮郎潛不記年却尋丹竈味靈華惟學雲霧還成市彭澤  
黃琴豈要絃曉索祇因食沈瀼夜灘誰見弄潺湲須知吏隱金門客待乞  
刀圭作地仙劉子儀詩云石梁山署又誰牽抗游州臺世絕倫揚子不甘  
朝尚白漆園終許自全真紫煙深處鸞雙舞未隨成來鳥共伸若何雲中  
見雞犬可鹿潭忘姓劉人○按宋史奇雅恬於榮宦因舒州靈仙  
觀有勝跡請以職方員外掌觀事優游山水吟詠自樂時人美之

寄任從事

曹山人

才名宦况與誰傳士庶爭誇繼昔賢詩就楚蘭歌白雪茶從賓府入紅蓮  
雲奇遣吏開山閣茶好留僧煮石泉宴罷沙堤步苔蘚小園輕筆似真仙

寄茅山友人

丘殿丞

鳴鳳相邀覽德輝松蘿從此與心違孤峯萬仞月正照古屋數間人未歸

欲助唐虞開有道深慚巢許勸忘機明朝又引輕帆去紫木年年空自肥

送虔州通判周茂叔對移永州

程殿撰

移官遠過耒陽西好景重重合盡題永水自然勝瀨水浯溪應不讓濂溪  
沙頭候吏瞻旗脚境上鄉人待馬蹄曾是忠賢流落處至今蘭芷尚萋萋

秦少游題郡中蓬萊閣次其韻

程殿撰

半天鍾鼓宴崢嶸早晚陰晴景旋生湖暖水香春載酒月寒雲白夜聞笙  
金鼉破海頭爭出玉鷺排煙陣自橫我是蓬萊東道主倚欄長占日初明

寄謝無逸

汪青溪

問訊江南謝康樂溪堂春水想扶疎高談何日看揮麈安步從來可當車  
但得丹霞訪龐老何須狗監薦相如新年更勵於陵操妻子同鋤五畝蔬

次韻向君受感秋二首

汪龍溪

且欲相隨首宿盤不須多問沐猴冠菊花有意浮盃酒桐葉無聲下井欄

見紫微詩話



千里江山漁笛晚十年燈火客壇寒男兒幾許功名事華髮催人不少寬

胡茗溪云彥章此詩漁笛客簾一聯山谷體也

向侯在笏意千里肯為俗彈頭上冠何日盛之青瑣闥妙語付以烏絲欄

日邊人去雁行斷江上秋高楓葉寒向來叔度倘公是一見使我窮愁寬

方虛谷曰自山谷續老杜之脉凡江西派皆得為此奇調汪彥章與呂居仁同輩行悉得傳授自後始盛行晚唐而高致絕焉

止戈堂為閩帥顯謨程公賦

汪龍溪

千里閩山騎飛天書趣解海邊圍異軍方逐蒼頭起元帥徐將白羽揮

翻就饒歌春舉酉收還烽火夜開扉向來萬事關兵氣都作風光坐上歸

桐江詩語云程進道紹興初帥閩中殄滅諸寇以武庫為止戈堂一時諸公題詠甚多彥章此詩最為絕唱

醉別李高侍郎

汪龍溪

疇昔追隨翰墨場功名今日愧劉郎英姿合上凌煙閣巧語曾遭偃月堂

雙槩又乘清夜去一尊聊發少年狂歸來却共燈花語騎省看人滿鏡霜

用韻招許主簿

程北山

風騷無復見黃初尚想應劉戰後軍病骨不知緣底瘦愁眉時得為君舒

動人春色來隨燕入眼溪流靜見魚行此中多好句可來茅閣試憑虛

次韻鄭大夫半隲亭

程北山

脫屣歸來稅兩轡信知塵世有蕭閒幽亭似近郎官谷捷徑知非少室山

歲月優游真得計風埃顛顛獨何顏園林日涉仍多趣坐看雲飛鳥倦還

張敏叔得請謝事欽仰高躅謹成口號

程北山

富貴紛紛有底難乘時如探橐中丸高人不啻雲華見晚節誰為趙壁完

且喜芝蘭俱秀發不嫌松桂愈清寒他年側席思者舊矍鑠猶能一據鞍

題雲館二星集後

李任道編錄濟陽公文章與僕都製合為一集且以雲館二星名之僕何人也乃使與公抗書

獨不慮公是非者紛紜於異日乎因作詩題於集後俾知吾心者不吾過也庚申六月丙辰江東朱弁書

朱奉使

絕域山川飽所經客蓬歲晚任飄零詞源未得窺三峽使節何容比二星

蘿菀施松慚弱質兼葭倚玉怪殊形齊名李杜吾安敢千載公言有汗青



元遺山曰濟陽公謂宇文叔通叔通受官而少章以死自守取用叔通見  
比故此詩以不敢齊名自託至于書年為庚申與稱江東朱弁者蓋亦有  
深意云

贈范直夫

朱獻靖公

將軍競病詩成處南浦春歸蘭玉叢漸減心情身老大久乖談笑路西東  
鄉關落日蒼茫外尊酒寒花寂歷中且與寓公同放曠浩歌相屬倚秋風  
蘇文公曰先公之喪奉遷于武夷寂歷山中峯會舍之北  
蓋公之詩嘗有尊酒寒花寂歷中之句嗚呼此豈其識邪

九日與客語慨然有廬山之興

朱逢年

九日黃花笑白頭分將牢落付林丘半川暝色聊償夢別嶺秋聲旋寄愁  
江國經年成浪語匡廬入手是真休未能免俗須登陟睨視元龍百尺樓

三山次潘靜之升書記韻

朱逢年

客路那知歲月長掀髯一笑苾芻房且傾徐邈聖賢酒不問陳登上下牀  
雲影翻空迷海嶠秋聲隨夢到江鄉明朝各聽船窗雨猶憶枯菴戰寺廊  
方虛格詩年詩  
格不

送正字胡文

紹興九年應自正字與外任同舍教習  
有者今二十有二年應自以流落之餘所入州府而正  
胡文得請歸家安於同舍始復用故事分韻

汪文定公

先生高臥武夷巖一旦趨朝豈偶然報國自期如皎白歸田曾不待來年  
懷鈔共嘆揚雄老鞭馬今輸祖述先州府風流久寥落送行今復有詩篇

題樂夫居士詩集後時請居廬山

汪莊靖公

居士當年請九江高懷往往寓編章多言世上風波惡不似閒中氣味長  
千載聲名雖莫及一時蹤跡偶相望若容俗駕追遺矩待看南山結草堂

引年得請和答致政陳昭遠學士

朱文公

一氣無私物自榮致臣偏荷主恩寬方慚衰竊老夫號詎敢重簪博士冠  
身退未妨閒養病年豐何幸暫偷安新篇似許參同社願刺仙舟上釣灘

自注云賈主編年大綱  
樂夫居士詩集後時請居廬山

關子首宿父空槃未覺清羸帶眼寬老去此身猶在舊籍向來羞辱侍臣冠



極知此道無終古且喜閒身得暫安  
自注云建隆庚申距今已未二百四十年矣嘗記年十歲時先君處然願  
謂曰大風交命至今百八十年矣嘆息久之銘解先誠於今甲子又復  
此調而哀病誤以示兒輩綴之於然感涕云  
中天那可料明年太歲又誰難

和劉叔通懷游子蒙韻

朱文公

扣角聽君悲復悲壯心未已欲何之  
交游半落丘山外離別偏傷老大時  
尚喜淵潛容賈誼不須日飲教衰絲  
病餘我更無慘賴勉與同懷一賦詩  
自注云予素不能書和韻尤非所長年來追逐殊覺力乏乃於  
更爲手寫此三詩者不知欲以何用屢起書罷後記歲月方覺是癡甲  
甚節日此亦難逢之會感嘆久之

送邕州吳使君

羅鄂州

題輿纔赴日邊程便擁油幢鎮列城  
地望素高唐五管人才今似漢三  
時清市駿非無意歲晏逢花好寄聲  
大學英名湖海氣此行持論要平  
次韻楚覺先見贈  
羅鄂州  
奏事何能補帝聰流年早已付天公  
舊聞雙劍淪波底忽有三刀入夢中

首出詩文爲我賀多慚憂樂與人同  
如君孝友天應報飛鶴那應久在籠

送楊文父還醴陵

程克菴

君家江西我江東相望雖遠聲氣同  
一行作吏湖湘上數面成親談笑中  
君思松竹行色動我困簿領蜚塵蒙  
他時登高倘有賦莫忘江頭回鴈峯  
過分水嶺  
程克菴

相與振衣千仞岡浩歌莫惜且徜徉  
風來閩徼不知遠山接吳天如許長  
乘弊且將雲作壘囊羞猶可墨爲莊  
眼明更向西南望依約家林傍夕陽  
懷朱晦菴先生  
汪柳塘

道在羲皇孰斷金至人出處合天心  
青山白雲有生路流水落花無足音  
世外太古日色靜洞中一片春風深  
自憐晚輩服膺久亦許杖履來相尋  
閒居書懷  
程傳之

灰却丹心剖棘藩市居寧覺市聲喧  
夢中幽趣官槐國塵外高蹤吏漆園  
懶取硯山供秘玩且封文塚奠陳言  
尋常恰類君平肆問卜時時有過門



和費樞密登下忠貞公墓

程端明

底用荒村訪野墳青編相對儼如存當年但識清談樂今日方知節槩尊  
千載腐儒空弔古幾章冷語自銷魂便當儻力清河洛一洗新亭舊淚痕  
遊翠眉用蘇黃門舊韻先登在焉汪康範

儻拂蛾眉兩月彎虛亭着與小三間吾翁先見如樗里此老遺思比峴山  
千仞遠峯和我瘦一庭芳草伴春閒登臨涕落當年事不見仙人玉雪顏  
元張公純仁云康範詩  
典雅和平無晚宋氣習

和岳王廟壁上韻

韻經吾郡西一舍有菴曰東松紹興初岳鄂王提兵  
西上士卒秋毫無犯夜宿人門外足不

敢一越限內嘗  
總是卷題

呂左史

當年惟說岳家軍紀律森嚴孰與隣師過家家皆按堵功成處處可鑄珉  
威名千古更無敵詞翰數行俱絕塵擬取中原報明主亦勞餘刃到黃巾  
陪吳總待集硯山用趙端明送行韻 方秋崖

煙波畫出暮江天着我蘆花明月船官滿只稱前進士路貧休問小行年

一歸已後陶元亮聚論寧無班孟堅不負登臨重九約過江猶及菊花前

正月二十二夜迅雷大雨半菴一巨松有物擊攬而上自本至末

爪痕宛然

方秋崖

蟄龍怒欲起春霆併挾髯虬上杳冥老色千雲鱗動蒼皮枯雹爪痕腥  
物方神變誰能測山不高深亦有靈誰與護持詩墨在畧無風雨損吾亭

次韻武侯廟

汪世顯

武侯遺廟自丹青霸業銷磨但故城北魏中分盟血在南陽三顧夙心明  
君臣際會宜興漢吳蜀相資失借荆獨致辨香思祀典西山回首暮雲生

次韻朱塘

自序云淳祐二年春王正月朔日正朝也

遊朱塘山深而靜荷花其間慨然曰是吾夢遊之所也此誰以領山  
是先大夫拱而進曰先業也先家在此文公曰是直為率以領山  
水于取幅紙吾為若書以告同志者共成之先大夫雅志乎遂如  
少四顧無楮筆則已異時為鈞言者共成之先大夫雅志乎遂如  
朱塘歸相與為詩秋八月亭成郡丞秘書書其用韻亦賦

許山屋



游子從來悲故鄉歸來襟袖芷蘭芳  
夢魂飛去雲濤遠杖策閒行秋水光  
可是月中曾到此安知身後却餘香  
紫陽弟子多君子築新亭是肯堂  
宣城倅館 吳慶坡

一年荒宿敬亭嵐世路如今亦頗諳  
鴉帶夕陽來會北鴈傳秋信到江南  
王曾素志非溫飽毛義微名為旨甘  
料得倚門凝望切東風何日擁歸驂  
春日 吳蘭皋

韶光大半去匆匆幾許幽情通不通  
燕未成家寒食雨人如中酒落花風  
一窻草逆濂溪老五畝園私涑水翁  
無賦招鬼難獨笑且排春句答春工  
予嘗於何人卷中見左史公無說着梅花定說君之詞不知其竹洲後人也意王愷之雅謝扶疎二尺美止此矣七吳君過于下出其寶則三四尺六七株如燕未成家寒食人如中酒落花風者尚多也于其秘之毋使豆粥非藜為帳下兒所賣衣燈草那得與君爭長實旆甲寅十月既望岳拜手

對燈詠感

吳蘭皋

鈴鏤瘦影伴孤燈兩鬢蕭然失舊青  
豪在尚堪論劍術骨凡何用泥丹經

平生蹤跡如春燕少日交游類曙星  
閒拂桐絲寫幽意洋洋不為有人聽

遣懷雜賦

孫良山

宇宙迂踈一布衣謀身畢竟是邪非  
能知道義立山重定看榮華草芥微  
世事悠悠胡蝶夢人情擾擾桔槔機  
英雄不是違流俗白雪陽春和自希  
春日武康遊望過孟東野故居 孫良山

殘靄初收半在沙一川芳草趁溪斜  
羣峯古意汪芒國廢地詩情正懼家  
天未淒迷浮野色柳邊駘蕩受春華  
更攜尊酒看脩竹不為前坡得意花  
慨嘆 孫良山

救地扶天力不支猶為落落怪男兒  
泥中龍逝江神駭波際鯨枯海若悲  
恨入煙雲連漢縣翫積霜雪薄燕垂  
可憐傲兀南冠在吟盡關山慟絕詩  
金庭觀王右軍祠 孫爽山

罷郡歸來三畝宅化為琳宇入層雲  
樓亡莫辨藏書地池在如親洗墨人  
特援憂勤規太傅不將恢復許中軍  
世間何物無漸盡英渠千秋萬古新



出越城舟行乙夜行道以避過兵

孫奕山

樓樓紅巾起草間舊遊何地不捨殘歸囊薄有桃花米行路如經竹節灘  
戰馬東來橫殺氣扁舟北去解憂端曲肱便結須臾夢柳暗野川把釣竿  
方虛谷曰長孫君嵩元京詩清勁若淡如其為小孫君  
巖次事子未之識忽袖詩訪于武林亦清勁若淡如其

南山

汪古逸

宣平隱處今始過煙霞城郭路幾何野渡誰浮夕陽艇空山尚響樵人歌  
石壇荒涼疊苔蘚谷鳥啁晰深松蘿何當更值買酒至一笑使我朱顏酡

冬至

汪古逸

草草歡娛共一觴葭灰昨夜照初陽民貧絕喜冬猶暖客倦翻嫌日漸長  
造化不停聊闔闢人情自此隔炎涼欲占歲稔渾無雪兒詫晴雲曉色黃

聞笛

汪古逸

荒村大吠人猶行驚鳥亂啼山月明南隣擣碓適復罷何處吹笛秋更清  
疑含白龍堆外怨恨不黃鶴樓中聽螢飛露下百草濕倚風激烈思平生

讀四明章君集

讀四明章君集

方虛谷

大道行天如日月君身幾弄竟何如自非青沈曾為學安得尊堯更有書  
義膽論千古在神州淪陷百年餘經辭迹像今俱已猶恐忠賢恨未祛

重遊鳳凰臺

方虛谷

重扶瘦影上荒臺萬里秋陰疑不開天地未休貔虎戰江山敢望鳳凰來  
是非易判元嘉事今古難逢太白才尊酒蘭珊詩思亂夕陽吹角不勝哀

溪閣呈陸太初

方虛谷

臨水看山日百迴等閒收拾有詩才老松於我幾年長啼鳥無名何處來  
病髮漸應彫翠葆衰蹤那復夢金臺鷓鴣未歇猶堪與聊挽秋花薦酒盃

贈郭澹溪

方虛谷

赫日燒空暍欲死詩來如向雪中看古壘出土銅聲盡明月浮空貝影寒  
二海豈無鷗作社頭顛安得鷗為冠會須棄置人間事同向秋風負釣竿



初夏書事

方虛谷

平生萬事鳥飛空，綠鬢蒼顏倏仰中。醉若山頽無舊侶，坐如泥塑有新功。詩成不覺靈移日，心定何煩扇引風。結網小蛛來往忘，機應亦識衰翁。  
賢良既此詩

次韻休寧程君園來訪君先公伯秋崖先生之文

方虛谷

秋崖健筆敵黃陳，贊卷當年許望塵。十載江湖春鴈斷，萬山煙雨石羊新。餘生敢忘尊前話，先正曾同席上賓。今日相逢兩家子，可無努力繼前人。

賦歸

汪杏山

身到嬴秦古塞垣，茫茫禹跡故皆存。近來粵客通南貨，舊日燕人祭北門。治極漢唐猶駁雜，功侔禹稷有根源。紀綱法度于何是，歸醉牀頭老瓦盆。  
贊王公事可與自號濯纓亭主

曹弘齋  
行行六馬轡如濡，襟佩雲從得範模。天下同知宗孔氏，江東今復見夷吾。

無邊秋色吟有瘦，有脚春陽道味腴。眼底新安至清水，不知聊可濯纓無。

平山

鮑子壽

平岡橫亘北城頭，一上青冥目數州。吳岫南從京口出，蜀江東赴海門流。香銷后土花如夢，煙鎖雷塘草亦愁。惟有依然淮泗水，年年吹浪到瓜洲。

松聲

鮑子壽

千丈森森磔石生，風來巖壑韻琮瑋。耳根一洗俗塵淨，木末時聞天籟鳴。洶洶銀濤朝拍岸，蕭蕭鐵馬夜還營。山中宰相殷勤說，與傍人笑絕纓。  
方虛谷亦好壽學有淵源

夏日綠繞堂小酌

程和民

解組歸來得自如，畫長人靜草堂虛。壺中有酒且留客，囊裏無金不買書。林徑草深稀過馬，荷池水響乍跳魚。妨賢尸祿吾何敢，一任侯門笑索居。

送王景開長官

程文憲公

楊柳陰陰燕子春，東風萬里動遊塵。還將碧澗紅泉夢，又送青原白鷺人。



子在有才須遠器吾衰無計乞閒身南歸若見沙鷗伴莫道遲回忘卜隣

吳山感興一

汪昂甫

江湖清濁自天開鴻鴈是驚與往來黃道星辰環太乙紫雲宮殿隱蓬萊  
瓊臺漸起纖兒嘆玉笋初經阿母猜九域圖書今一統百年耆舊獨餘哀

二

山回禁禦入雲長無復陳兵翼兩箱千石金鐘埋古道萬年珠樹落秋霜  
龍文又徙陽人聚鳥篆誰堪軼道傍百郡煙塵渾漠漠一江波浪自茫茫

三

化入宮室被層阿碧瓦高低若湧波翠石文章書日月寶珠光燄燭山河  
天花墜地黃龍現貝葉翻經白馬馱誰謂一無超衆有只今塵土重來過

郊飲

查德宇

榴已着花紅欲然酒餘休更讀騷篇絲書製後翻多事涉患難來非少年  
天滿四簷空翠外詩生兩岸嫩涼邊小風吹盡闌干雨留得斜陽在釣船

答胡敬存

查德宇

相望荒煙竹樹村無由觴詠寄微醺天應只共古今月人自難同上下雲  
曉色又隨香樹遠秋聲偏怯旅窻聞老來欲述農桑譜留與蘭臺志藝文

題吳氏雙清道院雲山樓次韻

程孟敷

幾疊雲山護小樓四圍芳樹碧煙浮遠峯當戶偏宜雨高木臨風獨耐秋  
華表有時歸白鶴函關拂曉度青牛從龍自有諸公在晦跡何妨老一丘

題富山汪王廟

胡雲峯

虬髯人出鹿歸唐多少英雄失故鄉昔日六州曾捲土此邦千載尚尊王  
高陵夜雨鳴弓劍原廟春風凜豆觴燈火萬家元夕後誰憐狐兔滿連昌

落梅

程畏齋

臘後寒花始覺稠又驚香玉曉來收飛飛苦恨東風急片片愁隨野水流  
有客開尊移別樹何人吹笛在高樓方當桃李爭妍日宜爾孤芳不肯留

聽鄰雲雅鼓琴

王菟菴



鄰子相逢鬢已絲，援琴爲我蕩幽思。一源獨用神常王，萬籟俱鳴手不知。冰合忽將輕騎渡，天虛直共羽人期。盡除智巧靈機發，燭斷清寒坐轉危。

唐筠軒

清明日病起不能出，漸喜勿藥。尚憶兒時矜節物，插花臨水弄扁舟。題詩多愛白塔寺，把酒還尋芳草洲。雲落舊交時鳥散，蹉跎急景大江流。年過四十愁兼病，始悟人生萬事浮。

唐筠軒

千里游吳今又歸，山中春近蕨芽肥。芭最擅諸生業，萊子空懸五色衣。禱玉冰溪聊待價，追風天馬可容機。會邀弄檝荷雲浦，不待清秋鴈影飛。

唐筠軒

天平山

天平山裏唐朝寺，蘋藻重來薦范公。奕道松陰常帶暝，傍巖池影祗涵空。石排甲士雲千竈，藤走文蛇地百弓。心與義田同不死，年年穰稔舞秋風。

胡存菴

小廬高結翠微邊，面面晴嵐一灑然。鷗社相忘聊未白，鶴田雖少亦豐年。

推窗對竹何由俗，繞屋栽桃不爲仙。千古淵明是知己，眼中風物可斜川。

題雪景

胡存菴

奇絕楊家老契丹，解將白入草玄間。蹇驢退步迷橫約，野鶴尋巢誤別山。倚杖地連天共遠，呼舟吾與汝俱還。故林祗在江雲北，手拂生綃一解顏。

論詩次戴庭芳韻

胡存菴

大雅荆榛久見侵，黍離既降可傷心。戲拈花草土何益，力探根源意自深。春水綠肥分衆派，秋風黃落表高林。何時話到忘言處，坐聽霜空猿嘯音。

平山堂

汪稱隱

西去休城十里餘，肯堂新構故人居。門扉曉白天平入，屏障雲橫畫不如。日落秋風生几杖，雨晴空翠濕琴書。何須更說維揚勝，大好溪山照屋廬。

舟次嘉禾

洪杏庭

昨宵雨急爭過堰，今日風顛俱泊船。前途難料每若此，遊子相顧空凄然。挽弓翻勝一丁字，佩印何如二頃田。笠澤鱸魚洞庭橘，誰家酒樓新種天。



春晴行園

新歲以來晴日稀  
鶻聲急報金烏飛  
煙光染深草色紺  
雪水融入花根肥  
懸弧在昔端有志  
抱甕如今甘息機  
多情蜂蝶想自得  
先我到此遊芳菲

洪杏庭

禹穴

司馬子長尋禹穴  
荒苔長闕越山腰  
龍蛇萬里連滄海  
鸞鳳千年下赤霄  
雲珮日珪文字古  
白銀青玉鬼神遙  
悠悠德業江河外  
蘋藻臨風恨寂寥

汪石田

客居

客子江皋草木長  
斷籬荒徑入牛羊  
沙頭戍鼓纏秋色  
樓外征帆送夕陽  
勝日襟懷愁自撥  
故園親友病誰強  
南州城下山騰笑  
多見餘生似漫郎

汪石田

閒居

門外溪山到亦慵  
窻前隙壤步苔封  
中藏花草春環堵  
仰視雲霄碧九重  
今雨不來從止酒  
古心誰會獨支筇  
平泉木石知何處  
踏雪飛鴻暫寄蹤

汪六節公

次楊椽韻

程黶南

地爐火冷夜深深  
風雪殘燈伴苦吟  
歲似壑蛇遮更速  
事如蕉鹿杳難尋  
百手塵世須開口  
一酌貪泉可易心  
珍重關西楊伯起  
名成不受二毛侵

簡秋碧孔林管勾

程黶南

莫怪微官寄豆籩  
聖人宮廟喜周旋  
長林樹影風煙合  
壞壁書光日月懸  
文物一時推掌故  
世家千載重儒先  
殷勤好看壇前杏  
坐對春風理素絃

將赴旌德先寄劉明府粹中

程黶南

花落花開春已秋  
感時傷事自多愁  
蜃嘘海市浮人馬  
鵲架河橋度女牛  
湘水使還雲作伴  
石渠人老雪盈頭  
稍聞許邵持時論  
却喜虞卿老故丘

與蜀阜僧立同遊鑑湖

程黶南

盤石為堤護短籬  
畫船深鎖少人知  
垂楊着水青青發  
遠樹迎人旋旋移  
滿野農耕春事急  
隔林僧語日光遲  
晚風忽捲殘雲盡  
四面湖山翠掃眉

自述

方鑑泉

抱琴聊復問田廬  
野性偏宜水竹居  
茅屋春風三尺雪  
少年心事五車書



故家簪笏嗟猶在用世文章愧不如擬向清秋尋舊約海天空闊鴈行疎

吳氏春雨亭

吳長者寧之英歆鳳凰山虞伯生學士作銘述兼善尚書篆額其子季實復作亭于墓之側以展孝思

周石泉

蕭蕭餘韻亭前樹灑灑芳原溪上村虛憶漢庭推長者難憑楚客賦招魂忠臣巨筆蛟龍奮太史文章虎豹蹲孝子此心渾未已百花香處滅啼痕

挽余廷心元帥

呂安貞

百戰殘民力已疲將軍未遣壯心違城依楚水無兵援目斷燕山有鴈飛但願斫頭成大節焉能屈膝解重圍睢陽死後舒州繼况是中原大布衣

上巳病目寄葉伯謙汪子敬

程仲江

病目昏花坐不禁他鄉節序倦招尋吾伊讀處聲相接尔汝談邊意已深每覺文章真小技情知道德負初心洛濱襖飯遺風在何處登臨費百金

梅崖吳先生寄詩次韻

蔣雲巖

截蒲未肯効溫舒生意相關草不除鏡裏雲霜難諱老酒邊風月豈沈予

每因好病占羲卦不為家貧典漢書自笑平生談性命一圖猶未究潛虛

和可堂余先生池樓詩韻

蔣雲巖

浮生莫說四并難興入林泉萬慮寬象奕偷閒同橘隱蟻築榮貴等槐安樓高人在空中語池近天從鏡裏看幾夜闌干吟弄處微風不動月團團

借韻寄太古王先生

蔣雲巖

故人相望隔燕齊恨不雲山一夜低別後雨蘋供采澗老來風絮損沾泥書言社稷何時上詩在松蘿到處題記得避炎山後屋殘更吟伴鬼神啼

題潛山雙廟

蔣雲巖

楓木陰濃日轉廊兩公心事寄睢陽生同歲月呼兄弟死有江淮奉帝王簡墨尚留肝膽在篆煙那敵姓名香後來人物如公少時事難言重可傷

釣臺次韻

俞水村

漢官威儀如舊日先生羊裘釣澤中東都名節從此始雲臺功烈何能同寒流殘照見天未危石脫木驚秋窮惜哉登臨迫行役負此千載桐江風



記先祖嘉議公遺事先祖諱懸為新安監神有惠政卒葬于歙  
及新陳唐寺以祈  
親壽道碑尚存

歙州山水似桐鄉先子神遊歲月長烏府落成存舊相黃山遺愛說甘棠  
名題梵宇祈親壽文刻叢祠禱歲穰百世圖經公論在已聞名字入循良

送潘和仲南豐巡檢 仇松說 胡石丘

潘郎不見已三年前北行吟行輩傳綠綬近懸都使印畫旗先擁上江船  
時平下馬還栽檄春暖收衙自注玄王伯莫論尊孟子辨香先為拜鄉賢

鄭待制席上同劉伯温都事燕叔義憲史諸公賦承天觀東軒詩

吳克敏

孤客憑危正惘然江南春盡落花天海門黑送千艘雨城郭青炊萬竈煙  
燒藥金鑪猶伏火射潮鐵箭久離弦伍負白馬今何在幾度荒臺野鹿眠

次韻程子元閨怨 吳克敏

自從銷瘦畏多嬌懶上紅樓均翠巖九轉織成紅錦字幾番啼濕絳綃衫

嫁時羅帶同心綰別後金釵十字緘安得化為橋上燕春來秋去逐征帆

客錢塘有懷東山趙子常時微師山鄭先生 吳克敏

小閣疎簾畫影移憑闌多是獨吟時夕陽關樹高低畫殘雪江梅遠近詩  
潭底又聞龍劍化隴頭應怪鶴書遲何時鄉里歌塵散來傍清流理釣絲

聞朱隱君官賜號澄節處士 汪璜隱

北郭幽偏是鶴山一軒高臥白雲關先生道出羲皇上處士名標晉宋間  
尊俎風流無俗客琴書和樂足怡顏天邊一札驚猿鶴只恐公今未得閒

次韻寄汪彥貞 汪自明

五年一笑亂離過託跡林泉意若何花外不聞供奉曲山中時聽采薇歌  
枕雲漱石塵緣少弄月吟風逸興多稍待雨晴閒暇日會當扶策到巖阿

雜興 謝章甫

雲林得計促歸畊為圃為農了此生車存水深連夜雨採樵風亂隔林聲  
土宜菽粟勤芟草園有瓜蔬早架棚日永華胥驚夢破不堪羣唱午雞鳴



次韻汪德輔

謝章甫

庸人擾擾自紛爭，世事如棋乍落枰。  
虜破臨淄京鄴子，僞遊雲夢陳平。  
誅秦楚項亦何有，真楚假齊俱不成。  
一局始終都若是，老夫端坐看輸贏。

釣臺次韻

胡虛中

已幸六龍在天上，勇辭諫議歸山中。  
懦夫立志固有自，處士盜名元不同。  
雲寒山青巖瀨古，潮生鶻沒吳天窮。  
回思韓歆死直諫，客星始信真高風。

新安文獻志卷五十四

甲集

新安文獻志卷五十五上

甲集

律詩七言

過徽州別魏府尹

汪朝宗

與君攜手鳳池東，題遍春階芍藥紅。  
况復雲山千里別，豈知風雨一尊同。  
陵老去憂多病，王粲年來喜事戎。  
二十五灘煙水急，幾時歸棹月明中。

使歙諭番易

汪朝宗

嶺蒼蒼，劍插天，肩輿高下似乘船。  
殘年止有二十日，沽酒豈無三百錢。  
碓暝春喧急水山，樵寒雨隔孤煙。  
祗慙將命恒馳逐，安得雄才配馬遷。

過河陰觀楚漢遺壘

汪朝宗

廣武山前望虎牢，淡煙衰草沒城皋。  
鴻溝豈限長江險，楚壘何如漢壁高。  
日登臨悲鳥道，當時南北混鯨濤。  
河陰老樹森幢蓋，猶似蠻輿駐白旄。

康山觀兵

汪朝宗

樓船兩翼挾猿幢，垂老觀兵膽亦雄。  
砲火震天飛霹靂，鋼風立海走豐隆。



里瞳首寄龍泉下獨眼屍歸馬革中戰罷神威猶震怒蒼涼落日貫長虹  
登步雲樓 詹承旨

百尺丹梯接紫微層層金碧炫晴暉眼觀下界雲生足人語半天風滿衣  
酒醒客猶招鶴舞詩狂我欲跨鯨歸休將鐵笛吹清夜月滿闌干星斗稀  
送徐復初海道知事 詹承旨

東道樓船白粲多紫髯英氣有誰過礮車雲起天垂野颯毋風來雪湧波  
海上神仙見徐福關中父老識蕭何幕賓不盡長才用早晚薇垣響佩珂  
秋夜書懷簡李希吉 詹承旨

江皋秋水明晚霞江城秋滿詩人家雙杵隔墻夜敲月一燈句壁寒生花  
烏鵲驚風繞紅樹紫蟹帶霜行白沙清虛之府入幽夢醒看河漢思乘槎  
題定子靜草堂 詹承旨

草堂正在匡廬山山陰綠玉相對閒雲從雙劍峯前下潮到小孤江上還  
煙滿室寫墨竹花雨一簾觀白鷗誰似南宮能篆古為君高置軒窗間

趙東山

故人別我今幾秋見尔難禁雙淚流一家寄食悲南國千騎擁麾雄北州  
轉戰不知處在相逢未擬此生休清門生理依諸舅長大廢書吾漫憂  
贈曹元達子 趙東山

趙東山

櫓簇千峯一嶂開乾坤間氣此胚胎百靈受職環真宅五緯回光拱夜臺  
魯國共悲祠廟毀閩關不見子孫來干戈未息諸生老獨抱遺書詠七哀  
和先巨山翁登岳陽樓詩韻 汪素隱

雕闌十二屹層空誰架危樓上空中清漢微蹤悲老馬登臨衰自羨歸鴻  
三江去棹飛晴雪二海征帆捲曉風安得羽翰生兩臂回頭歷歷大江東  
楂山畫堂 汪環谷







漁梁結屋

石梁之上姚家莊隔溪指點雲吞蒼飛樓傑閣說華第翠竹老梅惟我堂  
新豐雞犬歸未得韋曲桑麻如許長三間茅屋投老計攜兒擬拜龐公牀

符溪凱旋馬上作

俞子茂

夜來一雨洗翳塵陟覺江山氣象新巖谷已平蒼鼠穴溪橋喜見古梅春  
挈壺歡逐民連野策馬歸來雪滿身此地重過又三載謾留詩句託青珉  
雲陽曰符溪者新安公鎮木川之三年感惠乎洽四大諸寨以次削平  
今諸軍簿食聽命二故乃指示所向方黎明而居者無不遠舍猶羊樂  
悉橋之縛其乘壯黨惡數十人餘平民附公又一無所取慰諭而遣之  
凡二日處置事定乃歸伴戰在前無故在後觀者無不拜感其德  
惡之冠一旦授首非公之才和未易言此公既還府署集公獨留儒  
學士十數人列燭張宴至夜分乃罷坐中口占馬上所得詩於是衆賓咸  
和至次日乃緝成卷僕忝預席末不得以老病辭乃從衆賓之後而和之  
曰溪橋石路不生塵幕下初聞號令新士卒街枝衝夜雪將軍橫槊賦陽  
春已輪梁惡從氣首未死云麼許乞身德意已平威力著愧無椽筆紀  
珉又和曰城西車馬跡輕塵夾道咸瞻喜氣新笳鼓開歸燭燭夜笑談傾  
倒玉壺春知君自是文章手愧我空餘老病身多謝口占詩句好肯拋  
玉引凡眠意淺語拙如老婦舞柘枝不自覺醜然亦以調高韻阻難以

逐又如陽春曰雪和者良寡僕故欲別作一卷請諸君各以已意賦之不  
必步韻或選或律或長短句任意所到庶足以盡諸君之才且於俞公之  
行事亦得以鋪張盛大而無拘牽局促之患也

懷鄉友汪彥才

此詩談刻林鴻鳴咸集詩所  
和詩安松蘿竹休寧地名也

任本立

浮雲聚散幾悲歡久客懷安憶萬安門對西山朝氣爽城臨東海暮潮寒  
身隨斷鴈兼秋遠夢入疎砧向夜闌為問松蘿舊遊好別來風月共誰看

送舒從事還南海

任本立

老逢離別倍傷情一騎臨秋復遠行客路驚心孤鴈影家林入夢斷猿聲  
珠崖落日天低海銅柱雲寒雨過城翻憶舊遊多感慨獨嗟書劍誤儒生  
丁酉冬與楊季成宿邑南田家夜次趙子常韻呈徐縣丞張總管

金元忠

擁被依鑪話夜分山城更點喜初聞客囊茅舍青燈伴詩思秋空白鴈羣  
冷掾官曹閒似水將軍車從密如雲東湖孺子文章伯旦暮移尊獨向君

賦靜菴

吳季楊



收斂江湖萬里身歸來林下岸綸巾從前歲月方知謬自此光陰始是真  
止所常觀虛白室行邊不踏軟紅塵野人亦得煙霞趣布襪青鞋願上隣  
書歸山先生所題黃山崖石後  
鮑尚賢

蒼崖百尺與雲齊徵士重來為品題姓字一時通漢史文章半載並清溪  
春深莫遣蕤苔沒日暖應添紫翠迷猶憶匡廬當日事短檠山雨五更雞  
和商山書院諸公韻  
汪德懋

覆雨翻雲已十春恨無詩酒對芳晨秦強再世終歸漢周弱何人共戍申  
邊境旋聞烽火息南風喜見稻花新為霖更得成豐歲願作陶唐擊壤民  
過週流寺  
王士積

雲埋殿閣週流寺春水衝撞復到山僧衲挂枝庭樹老禪牀指石洞雲間  
久無山鬼吹燈火時有淵龍護法壇我亦長歌來徙倚滿襟清思隔塵寰  
洪武庚申五月四日 謹身殿災肆赦  
范維齋

金雞街詔五門開

聖澤汪洋遍九垓梁獄不羈天下士漢庭還網世間才傳巖壑亮咨霖雨  
沛上英雄起草萊郡國想今寬賦斂乾坤和氣一時回

賀金彥晦遷居避暑

黃後圃

隔水移家不借車野航安穩載琴書青山歷歷迎人慣翠樹團團繞屋疎  
盤谷有誰爭子所斜川亦自愛吾廬行看花萼相輝映依舊連雲列第居  
寄淳安徐大生  
吳石溪

歛南山去一百里秋盡春來信不聞昔日登樓同聽雨今年幽谷飽看雲  
管寧豈是遼東客伯樂曾空冀北羣安得俗塵長撥置挾書林下共朝曛  
讀文丞相指南錄  
吳石溪

素手殘棋豈易談一支大厦已難堪死灰無燄資炎上磁石貞心託指南  
閩粵九重天再闢燕雲一死志猶甘人間竊祿偷生者未抵南柯一夢酣

西北神州久陸沉東南王氣半淪陰諸公戀戀湖山樂此老拳拳社稷心



烈日秋霜存壯節，海雲江月助行吟。捐軀報國元無悔，正是前朝俗化深。

亂後述懷

吳漢臣

籃輿敲兀飽看山，舊隱重來意悵悵。囊重正緣詩草富，盃長那覺燭花殘。悠悠今古知心少，擾擾風塵會面難。縱有故園春信在，可憐無驪寄平安。

上巳日苦雨寄汪彥暉

朱禮倚

三月三日苦泥濘，春遊無計令人愁。雲低暮色近垂地，風捲濤聲遙撼樓。青天白日定何所，急急電轟雷方未休。皇恩許李花開處，雨橫風狂不自由。

送李孟善御史論戍遼東

詹富保

丹雘分袂出長安，疾賊遼東去路難。金佩暫辭雞鳳闕，玉繩應過九龍灘。沙邊鴈度家音少，嶺外猿啼戍月寒。孤負十年窓下志，翠書攜劍與誰看。

紫陽觀席上作

曹果白

紫陽山中神仙家，青山繞屋生煙霞。枯林風過落黃葉，寒菊雨餘開白花。隻雞斗酒自可樂，千駟萬鍾何足誇。興闈攜手過橋去，斜日稻田飛乳鴉。

和唐胡明經詩韻一首  
明經名昌翼本唐詩王孫遊地後源考水  
胡氏因從其姓雖舉明經義不仕梁終隱

呂德昭

西出長安避戰塵，誰知龍種異常人。移根仙李雲霄遠，奕葉猗蘭雨露新。曠野驚弓無折羽，滄溟脫網有遺鱗。甘為商皓終辭漢，不作燕丹久質秦。

萬事榮枯夢一場，百年歲月去堂堂。鶴歸華表人寰異，鹿走關中霸業亡。保障未能依尹鐸，宗支誰復認丹陽。棄將軒冕身終隱，博得山林興不忘。

程普屯

瑞昌縣本古去烏鎮吳將程普屯兵于此以應周瑜一日

孫思傑

赤烏古鎮江之濱，云是程普三軍屯。羣鳥飛鳴祥瑞應，二龍爭戰雌雄分。天便東風旗鼓進，火烈北船人馬焚。只今過客悲前事，自送寒鷗殘照昏。

過南陽臥龍岡謁武侯廟

孫思傑

千古南陽草樹荒，行人猶說臥龍岡。國歸蜀主三分定，才過曹丕十倍強。羽扇綸巾勞想象，木牛流馬恨遺忘。英雄事業垂成日，忍見營星墮夜光。



雲溪萬松嶺程內翰墓

汪養晦

內相遺蹤何處尋萬松青鎖鬱森森兩行翁仲標黃壤十丈穹碑倚翠岑  
雪案幾人燈火志冰巖千古歲寒心清風不斷雲溪上冠劍空遺草木深

和彥珍韻

程明遠

閒來遙憶隱君鄉門擁荒山帶夕陽蒼暈旋添蒼徑滑松陰時轉北窗涼  
高懷君軼朱仁軌癡性予慚顧長康何日相從陪夜話石鑪湯沸紫茸香

和松明火韻

程子元

蒼虬誰取赤心然女緯男經夜不眠處士謫居離絕壑大夫功滿上凌煙  
千年琥珀憑誰得一點靈光可自全不照綺羅筵上客分輝田舍及漁船

送方伯潤蘿山讀書

余子韶

一上蘿山數千仞學如九轉煉還丹且將圓木驚宵枕莫厭斷崖供晝飧  
松葉亂雲孤嶂暝杏花疎雨小窗寒樂羊莫起思家念更誤佳人機杼難

泗洲

鄭居貞

行盡淮東始見山孤城雉堞百層巒隋人罷草餘荒苑漢將成功有廢壇  
落日波濤來洶湧高秋鼓角動悲酸北來倦客編櫟古對酒狂歌強自歡

題野航卷

邵思宜

楓葉落花秋氣清扁舟不受波濤驚一聲棹歌白欲晚半榻竹影風初生  
幽人落落雲霄志小窗夜夜江漢情夜闌酒醒萬頃寂似向沙頭弄月明

見山堂

胡翠屏

家住龍山山下村誅茅卜築傍雲根呼兒耕罷動書策對客哦成共酒尊  
紅雨過簾花結子綠雲垂地竹添孫靜觀自得悠然趣何用區區隱鹿門

洪氏節婦 姑婦孫媳孀者三

唐伯和

苦行相聯世罕論弔生傷死倍銷魂百年自節惟三婦半世孤孀在一門  
燈火絲麻終白髮憂愁風雨共黃昏不緣薦筆標名姓誰識洪家孝義村

赴 遼府紀善次諸公見贈韻

程彥亨

忠孝男兒合兩圖每回首自踟躇



王來海上初開國親在江南久倚闈宣力可能勞汗馬報恩全未及慈烏  
曳裾終夜空長嘆似覺中心半負初

雨後

李本立

山中曉起喜新晴杖屨尋詩獨自行幾樹好花春盡發滿溪流水夜來生  
遊絲拂地應千尺啼鳥與人時一聲趁暖田家曝種朝朝節候是清明

和李大尹韻

俞樵雲

積雨瀰漫漲遠天客窗惟覺恨綿綿已添野色供春望更長難聲攪夜眠  
繞屋斷雲常黯黯投林歸鳥自翩翩漁郎能釣纜相過為報新潮到石田

石耳山絕頂

游蘭仲

石耳山頭望大荒海門紅日上博桑山連吳越雲濤洶水接荆揚地脉長  
春樹抹煙迷近遠晴虹分字入蒼茫蓬萊咫尺無由到獨立東風理鬢霜

東園卽事

汪士晦

小圃臨山效采薇閒中足跡往來稀垣高看畫花香元地暖先春菜甲肥

流水壁間通石罅清風門外掃漁磯乾坤俛仰情何限孤鳥殘雲已倦飛

三松軒序云昔陶靖節撫孤松崔藍田哦二松杜工部種四松秦  
寡不倫邪瑣溪吳彬富成初一軒號三松豈欲酌其多寡而為之  
中制邪然古稱槐三木假山亦三率取徵其後之昌且賢也富成  
其祖

程叔春

冲霄龍骨雨苔斑鼎峙蒼然伯仲間勢傲雪霜堅晚節耻隨紅紫鬪芳顏  
王家德識槐當戶蘇氏名高木假山欲向主人詢藝譜清風蕭颯動柴關

湘活圖

方怡菴

湘中景物最清奇邂逅披圖慰遠思雲慘蒼梧虞舜廟崖高渚水次山碑  
苔花蝕刻人爭寶竹淚成斑世共悲千里江山歸咫尺風光觸目總堪詩

酬贈參將張公惠劔

方怡菴

轅門大冶藹祥光并鐵花鎔百鍊鋼虹見晴空歸七首蛟藏秋水鑄干將  
金鑲雪柄誇新製寶鞘絨條盡巧粧帶霧持來意何厚從教官道絕豺狼

教學歲寒亭次宋蘇文定公韻

楊刑書



幾樹蒼松倚翠屏小亭因得歲寒名月來遙見海蛟出風度靜聞天籟生  
飽歷冰霜心不改高隣庠序景逾清閒來獨據胡牀坐一曲陽春愧繼聲

送汪司倉燦赴官泉州

楊刑書

除書新領向閩中建業相逢話轉蓬別處一尊浮大白到時三歲理陳紅  
道傍荔熟香塵起海上風來瘴霧空遠大屬君君莫負舊家原近紫陽翁

求太守永嘉孫公寫梅正統甲子

程襄毅公

文采風流世所難更將春意發毫端平生自保冰霜操近日誰登翰墨壇  
肯許官曹臨鏡寫絕勝江路倚蓬看與公篤好無他意只爲貞心奈歲寒

出巫峽寄宗伯姚大章同年

程襄毅公

入峽猶登兩月程一灘過處一更生愁聞澗樹黃鸝語夢憶彤庭仗馬鳴  
險易只應堅素守行藏寧敢負同盟相思併入巴江水不盡滔滔萬里情

東巡回渡遼河

程襄毅公

夷部曾傳自契丹漢疆今已盡三韓喜功不話封侯易直道何憂行路難

塞上塵飛驚馬到斗南雲翠看鵬搏提兵再駐遼河上白草霜風歲又闌

南征過武昌

程襄毅公

月滿秋江霜滿天提兵夜上武昌船山川依舊環千里戰伐空餘史一編  
霸王賦詩雄異代仙人乘鶴去何年吟餘起視青萍劍一道晴虹貫斗邊

夜雨

趙文弼

黃昏燈火雨蕭蕭愁緒無端結未消方寸地寬留宇宙一枝巢穩借鷓鴣  
城頭鼓角驚殘夢江上風雷送遠潮蕩蕩因波流四海深漸華萼白蕭條

滕王閣

吳以恭

一葉扁舟挂晚風崢嶸樓閣畫圖中天連彭蠡三湘碧日射匡廬五老紅  
壓座文章誰再續動人歌舞亦成空浦雲山雨仍朝暮撫景留題興不窮

賀張士峻造屋

吳以聲

舊家城市殿堯瀛林下經營百世基山擁翠屏遙對牖泉鳴玉竇細通池  
春風座上常留客夜雨燈前自課兒從此鶴汀無限好杖藜來往更無期



秋吟得趣卷為藏溪汪彥度題

吳以聲

危亭翟翼碧溪濱每向秋來得趣真風露九霄清到骨水天一色淨無塵  
斜陽樵擔穿紅樹明月漁歌起白蘋何日重來同徙倚一尊還待菊花辰

題赤壁圖

汪以名

鯨吞蛟鬪決雌雄千里飛鯨一炬紅霸業盡歸煙燼裏江聲長在月明中  
峩峩赤壁涵朝日浩浩滄波颺晚風古往今來幾多恨披圖吟處思無窮

唐子華小景

汪以名

唐侯宰邑甚清閒公退揮毫便寫山共詫聲名滿天下豈知圖畫遍人間  
雲連古木迷青嶂月照寒蘆漾碧灣殘墨斷練誰解惜草堂披玩自怡顏

黃山

程文實

秀出層穹翠欲墮宿霞宿霧似蓬萊松搖陰壑生靈籟泉噴深潭吼怒雷  
峯頂煙銷丹竈冷崖前風暖碧桃開五雲深處羣仙集白鶴青鸞定往來

野興

汪思敬

滄海雲外路久欹梅花關外水通陂昔人好鳥啼深竹抱子驚猿過別枝  
雨歇黃流新漲急雲交青壁亂峯移釣絲不挂非熊夢一任長虹百尺垂

淮陰侯

汪思敬

許身良大失熊羆百戰功成亦自危智數如君難免戮英雄自古易生疑  
眞王印在風雲散大將臺荒草樹悲莫恨當時蕭相國幾人回首見幾遲

壽藏為汪思敬題

蘇景元

楂山風景似仙源流水桃花繞壽園固穴不燒銅作柳窮泉還鑿石為門  
誌銘鐫就留年月松栢栽成遺子孫誰謂賢愚同一致箇中別是一乾坤

寄書坊劉剡

蘇景元

女媧補後見神功千里相思寄便鴻斷簡殘編無日了清尊明月幾時同  
坐間有客常談項天上何人復薦雄一度登樓一惆悵小山秋冷桂叢中

奉和尚書程公征南獻捷

蘇景元

鏡吹歌成紀武功一輪紅日照丹堯風雷震處狼山碎巢穴空時虎旅雄



九伐嘉謀今秉鉞七禽英畧再聞風  
劍南梟獍咸歸化從此無憂到  
聖躬

一掃腥羶似燎毛捷書頻奏  
詔頻褒漢兵總跨新降馬蠻血從殷舊戰

龍旗影夜翻瀘水淨劍光寒射雪山高當今

天子多神武況有元臣熟豹韜

環佩重來軒

宋丞相程公元鳳居 蘇州有琴曰環佩粒去已久  
六世孫文實復購得之為軒以藏加而重粒一字

江伯珠

丞相宮墻何處尋老槐紆繞翠沉沉  
鈞衡已輔當時政環佩猶傳奕世音  
六葉喜聞歸舊物千鈞何足詫遺金  
南薰古意人知少好在雲仍繼此心

萬山西爽軒望黃山

張惟達

奇峯六六競嶺岫向晚馮蘭最好看  
秀出楚吳千里迥翠摩星月九霄寒  
古潭雷迅蒼龍起仙洞雲深白鶴還  
何日把蘿登絕頂擬從軒石覓金丹

蘿山清隱為汪世祥題

孫士輝

小築茅堂傍翠微花畦蔬圃澹相宜  
看耕每到龐公宅對酒惟吟楚客詞  
春暖藥苗穿土早天寒雞唱出林遲  
松風蘿月長如昨肯信功名鬢易絲



新安文獻志卷五十五下

甲集

排律五言

山中寄吳蟠十韻

方玄英

莫問終休否林中事已成盤飧隣火種歲計付刀耕  
掬水皆花氣聽松似雨聲書空翹足臥避嶮側身行  
果傍閒軒落蒲連濕岸生禪僧知見理妻孥笑無名  
更擬教詩苦何曾待酒清石溪魚不大月樹鶴多驚  
欲下連樵路窈窕間見懸城雲山任重疊難隔故交情

龜山上方

汪龍溪

度嶮逢幽處恐高鳥壯懷連紫極絕壁塔表長淮地  
本是封接山今高跡階潮聲從殿寺竹影自翻階  
木杪朱欄出城垣雪浪埋乾坤迷狂者霧雨洩陰崖  
丹葉經寒在蒼洲雨曉佳魚龍宵噴猿鳥盡蟬齋月  
滿蟬珠實霜清磨石譜僧盃收栢子樵徑橋松欵左  
宿善無鷹鷂來有鯉風煙欺短髮雲水信殘骸竟作  
何鄉老滌滌素尚弄江湖今在東歸合辦青鞋



予以年事漸高氣海不能熟生後冷中又無藥務遂用火攻之  
策灼艾凡二百壯吟呻之際得詩二十韻

朱奉使

不作瘴癘臥年侵血氣衰據鞍思少壯攬鏡嘆青鬢有病方求艾無管莫  
問著心知出下策理勝過中醫陽燄神逾速銅針術盡施論功鄙炮製取  
穴辨毫釐火帝恩光異炎官績用奇書螢比差似珠蟻迫方知付物嗟炮  
籠觀形笑灼龜煙微初炙手氣烈漸鑽皮閉目書徒展支頭枕屢移發狂  
還自哂賈勇僅能支宋纒追風日吳牛喘月時忠言勞緩頰善謔為開眉  
鍊氣工夫遠燒丹歲月遲衛生防後患伐性釋前疑展轉那成夢呻吟且  
當詩國心念民瘼出位嘆身卑欲已七年病當從百世師保身將保德未  
可廢為規

九日數客登善福院之絕頂晚飲茗飲閣下以病先歸賦十二

朱逢年

風日迫佳節一川秋意昏臨高分石磴却立數煙村楚製製隨雲物變花照

酒痕龍山嗟未久藍水想空存鴻鴈頻收淚茱萸幾斷菟拍有尋熟路登  
閣喚餘尊鐘杌規繩闊親朋笑語溫加邊攜海嶠聞笛憶鄉園夢記南柯  
守兵看左角奔詩凡羞晉宋髮短任乾坤汝輩禪心起今生道眼渾不知  
東嶂外灩澦湧金盆

紹熙辛亥歲遷居星洲述懷

朱默齋

別墅今為宅芳洲古號星一溪縈似帶羣岫列如屏繚繞蟠龍勢迴旋翫  
鳳形紫峯鍾美瑞秀麓炳神靈峻嶺通山去寒潭對剎滄顏尖雙傑出斜  
谷獨深高鷗鷺遵幽渚牛羊散遠汀春花紛外野秋月可中庭築室歌鴻  
鴈謀隣詠鶴鷄來居猶未久補弊不遑寧愛竹留新筍看松養伏苓採山  
收美如釣水得鮮鱗繁短親諸子窻明勘六經桂香思壁水槐影記楓庭  
事業姑藏器功名會發劍豈無牙父志當遇子期聽鷓鴣須逢運驛驢豈  
戀坵祗今時合待柱笏謾名亭

乙亥避地橫槎山中

汪紫巖



仙槎移到此杳杳白雲根石乳漏崖響山腰界雨昏徑幽盤過險橋斷涉  
驚渾百匝回峯曲數家臨水村羊爪青繞屋桑柘綠當門鵲突兒迎客龍  
鍾叟抱孫澗春分注沼田穫半樊園地僻衣巾古人稀耕鑿温尚懷文杏  
館且擬小桃源嶺外風波別搖頭勿復言

酬趙隱君還予詩藁之作因來韻增至二十四用柳子厚同劉院  
長言懷事詩例也

孫奕山

度德宜滕長論交隋魯臯凄凉當歲晚瀟灑見時髦常恐詩無證空知調  
欲高扶踈纒社櫟變化豈肯濤閩畧三冬學增多一字褒大篇參徃錄異  
事託吾曹昔嗜梁臺選仍耽郢士騷長歌落澗谷中夜駭猿猱攻苦鶉濡  
翼求朋鹿食蒿家無彥弘在鄉失呂温豪擊柝當誰聽荒蕪尚自薶英英  
善和柳皎皎義熙陶步驟才難至圖回首屢搔較深搜石髓務潔取溪毛  
推激吾非黨譏訶物得逃辭連盤谷核想到武陵桃朝逮虞淵暗宵幾鷓  
旦磬含愁全庾賦寓樂閒莊濠不謂塵明鏡何殊贈佩刀音書無鴈往時

序白贈人  
王清言  
世遠未應求善言孰不飲醇醪並席段依

王清言  
斯期方結遊北望寸心勞

詠友人竹

汪古逸

佛雲  
竹瀟灑倚茅堂翠重煙分消痕乾淚染湘  
斜竹地蒼根相絡莖高釋漸長山僧冬負種隣  
風勢揚杖侵鏗瘦玉爪刮聚浮霜禽踏枝  
棄可佐宮商

贈雪屋瑞上人  
俗姓姚舊使

方虛谷

名編今已絕見汝忽驚神昔日陪三衛多年護九宸漫從鷄憤報長  
編漢幄垂前著秦關痛隻輪驟驚淪寶玉何惜褫冠巾往事憐竭國餘  
生脫鴈臣片雲聊作屋死樹自觀身空鉢寧無食枵囊別有珍跣行千里  
近凍臥八寒春像喜圖佳士名虛徹貴人論詩色涇渭遠俗意參辰餘子  
一時盡高流百世新公能追慧遠吾或可遺民制櫛雖殊相澄江月共真



呂氏澧溪八景圖

程默南

畫道澧溪好澧溪景若何重樓上雲水比屋入煙蘿長笑天風迥清吟地  
籟和水深陂窈窕路曲嶺鬼峩鳳舞風中羽龍騰雨後梭近堤鳴牧笛遙  
野辨農衰紅亞桃欵竹青披柳蔭荷松雲深後塢梅月澹前坡縷汲垂虹  
井機春浴鷺過朝燈山鬼伏橋鼓社神呵返照懸紅樹奔泉響玉珂吾伊  
碧窻讀歎乃紫崖歌冠佩才華盛鄉隣禮數那人喧朝集市仙過夜飛柯  
山勢遙通蜀川流近走番丹霞接方丈白鳥向新羅俗美民偏樂官清政  
不許馬嘶行旅道鶯語碩人過風物千年勝標題八景訛請攜靈運夜暇  
日數來過

豫章南樓

汪朝宗

適意緣清景馳思屬早秋春焉臨勝地南樓楚岫雲巾出章江樹  
杪流涼蟬之聲響絳草沒歸愁散月三邊壯信憚五月留誰知放歌者脉  
脉寄滄洲

送蔡參政入蜀

詹承旨

東吳霖雨佐西蜀將星明水落黃牛廟雲開白帝城邦交修玉帛賓禮會  
簪纓陸賈無裝贈楊雄有賦名詞源流峽水詩筆發天聲功竹臨風看巴  
船載雪行錦官談舊俗金節促歸程

寄吳朝錫

詹承旨

小樓殘燭短冠佩候晨鍾紫陌嘶羣驥丹青駕去龍朝回尋藥裏病起寫  
書封歲月驚華髮松楸動慘容春雲懷去友夜雨夢歸農淮海經年別何  
時得尔從

聞吳繼新寫正覽畢作詩迎之

唐白雲

吳郎久不見悵望隔江村辛苦頭將白編摩眼易昏焦心含雨潤柿葉纈  
霜繁智未瞠諸後義之本一門未應梁上得偏問桃中存點磔臨池黑文  
波漏屋痕縈紫蛛結網晨晨蠶繅益白練書裙好黃麻草詔尊首濡無醉



鬼筆諫有忠寬安得三千幅煩君恣意繡

排律七言

許負外新陽別墅

方玄英

蘭汀橋島映亭臺不是經心即手栽滿閣白雲隨雨去一池寒月逐潮來  
小松出屋和巢長新徑通橋避笋開柳葉風中歌枕臥荷花香裏釣魚回  
園中認藥分靈草簷下攀枝落野梅莫恣高情求逸興須防急詔用賢才  
若因螢火終殘卷便把漁歌送幾盃多謝郢中賢太守常時談笑許趨陪

李侍御上盧別業

方玄英

滿目庭臺嘉木繁燕蟬吟語不為喧畫湖勢急吞諸島水雨聲回露半村  
直為拔毫方掩卷常因按曲便開尊若將明月為傳信應把清風遺子孫  
繡羽驚弓離果上紅鱗見餌出蒲根尋君未要先題竹直棹漁舟入大門

問政山留題

黃屯田

千尋練帶新安水萬仞花屏問政山自少雲霞居物外不多塵土到人間

壺懸仙島吞丹罷枕浸星宮沉水閒寶籙篋垂金縷帶絳囊條鎖玉連環  
靜張棋勢鋪還打默考仙經補又刪牀並葛鞋雙兔伏窻橫櫂几老龍跽  
溪童乞火朝敲竹山鬼聽琴夜撼樓草暗碧潭思句曲松昏紫氣度函關  
龜成淺甲毛猶綠鶴化幽翎頂更殷阮洞神仙分藥去蔡家兄弟寄書還  
黃精苗倒眠青鹿紅杏枝低挂白鷗容易煎茶供客用辛勤栽果與猿攀  
常尋靈穴通三島擬過流沙化百蠻新隱漸開侵月窟舊林猶恍枕沙灣  
手疏俗禮慵非傲肘護靈方臂不慳海上使頻青鳥黯篋中藏久白驢頑  
筇枝健柱菖蒲節笋櫓高簪越帽斑花氣薰心香馥馥澗聲冷耳響潺潺  
高墳自掩浮生骨短晷難窮不死顏早晚重逢蕭塢客願隨芝蓋出塵寰

登凌歊臺

程北山

凌歊正在塵歊外四起雲山翠欲浮丹檻昔時空勝事錦袍何處想靈遊  
鼇分一島來平野鯨吸長江帶兩州手扶飛雲天作幕坐侵寒露月垂鈎

羅鄂州志載詩史云歊州問政山聳師道真人所居常有入涉險攀蘿至絕壁於巖下指空處見詩一首雖苔蘚昏蝕文尚可辨即此篇也



向來時有千巖夢對此渾銷萬古愁醉目歸鴻天際沒地高空閣更宜秋  
監邑八公卽席索賦武功詩

吳克敏

舉旗南破犬羊羣威武聲名到處聞能以奇兵攻必取不憂強賊聚還分  
煙村古渡新酣戰豈嶺重關舊策動幾度彎弓動明月三回舞劍斷行雲  
經營河北思劉秀割據湖南笑馬殷今日休陽誰克復傍人爭道八將軍  
題休邑程士原率濱亭

呂德昭

仙翁亭構今何在肯構憐君復舊樵在昔故基仍勝絕于今喬木尚榮敷  
翰林題扁輝聯壁朝野留詩耿貫珠五柳孤松彭澤里黃鸝白鷺輞川圖  
溪毛落雨青絲長石髮凝煙翠錦鋪晴日漾波鳧對浴涼風吹樹鳥相呼  
笑談欵欵留賓客燕處怡怡樂友于琴響嶧桐調鳳尾簾疎湘竹捲鰕鬚  
何時緩策從幽討莫惜郵筒滿眼沾

題醫士朱士良紫陽讀書卷

唐梧岡


流水淙淙撼石梁紫陽當戶迥嵐光何殊講習居長白自說流傳屬太倉

藥品君臣儲滿籠書籤今古積連牀螢囊照眼能供讀龍化爲人欲問方  
坐愛茅簷隨月色病思橘井涌泉香良醫良相真荷異好拯生民濟世康

新安人獻志卷五十五下

甲集





六日九三三

六

六



程